

## Şêrege u mûşege

Yekê bû yekê neûw, bes xuda le î dunya hüçkes neûw.

Yê rûj yê şêrig le naw yê wêşig erê xwey eLajyagî u xeftî. Yê mûş büçigig edewist e ban leş şêrege. Dewîn hay mûşe, şêrege kird e xewer. Şêrîşem we pencey mûşege girt u dem gepi waz kird ta biqütîdê.

Mûş büçige qîran "Ey padişay wêşe, wexşîş (eman)", "Erê î care bûwexşem, qewL (wade) edem hüç wext hay kare le nû nekem u hergiz xweş xuLkîd le hürim nawem. Ayim nazanê, belkim rûjig heweced keft e lam u me bitwanim desmêtid bidem?"

Şêrege le qîsye mûşege maqew menist u xenigê hat, ke hay mûşe fikr kirdiges rûjig bitwanê desmêti bidad. Şêrege pencey waz kird u hiştê biçê.

Düya çen mangig du sê rawçî rimyane kûL şêrege u girtinê, des u pay we peletigig (tenaf) wisanin. Düyay nanenê şan darig u çün fir garîg biken ta şêrege wel xweyan bûwen.

He ew deme (wexte) mûşege le şan şêrege gilew da. Şêrege xemîn u ket besyag erê xwey eLajyagî u enaLî. Mûşege he ye dî, dewist e rê şêrege u binya na we dinanel tîjê resen (peletig) bidirrnê u züzî şêrege azad kird. Mûşege firye xweşî kird ki tûwanist desmêt şêrege bidad u wet "Newetim!".

Pen: Yar her çenê büçig bêd, etwanê xastirîn yarig bêd.

Seywan Qember ([www.feyli.se](http://www.feyli.se))